



143013

Mag. St. Dr.


G

Nie pożyczka się  
do domu.



143013

1



143013.I.

*the poetry of*





# ORATIO

A D

## UNIVERSOS

*Serenissimæ*

*Reipublicæ Polonæ Ordines  
dicta, à Serenissimi Principis  
Lotharingæ Legatis, die  
12. Iunij, Anno 1669.*

Reverendissimi, Excellentissimi,  
Illustrissimi, Perillustres, Ma-  
gnifici, ac Generosissimi Prin-  
cipes, & Senatores cæterique  
Serenissimæ Reipublicæ Regni  
Poloniæ, & Magni Ducatûs Li-  
thuanix Congregati Ordines.



I commendationes exter-  
norum Principum tanti  
apud hanc Serenissimam  
Rempublicam haberi cre-  
derem, ut Candidato ab  
earundem conspiratione  
proposito, Regium suum  
Dia-

143013.I.

Diadema tradere necessarium duceret; absteruissent me sanè à comparando coram hoc amplissimo confessu, tot conjuncta in unius promotionem coronata capita.

Verùm cùm notus orbi sit zelus, quò ea libertatem suam in omnibus, præsertim autem in adsciscendis sibi Regibus generosissimè tueretur, & proinde nullatenus permissura videatur, ut Rex suus alibi priùs à fœderatis Principibus pro suo quolibet interesse, quàm hic ab ipsa eligatur; ne in hac libertatis suæ crisi maximum liberæ suæ Electioni præjudicium inferatur, ad exponendum Legationis mihi impositæ contentum minimè animum despondere volui.

Ingens virtuti præmium proponit Serenissima Respublica, quod magnitudine suâ multis retro sæculis studia animosque celeberrimorum totâ Europâ Principum, in se convertit, hodièque vel maximè Serenissimorum Candidatorum ambitionem excitavit; dum laudabili planè generosità virtutem non domesticam tantum, quâ semper abundavit, hodieque abundat Polonia, sed externam etiam ad tam gloriosum certamen admittit, orbique vult innotescere, solam hanc veræ virtutis Patriam dici posse, quippe quæ eam undequaque advenientem ut nativam excipiat, & veneretur, apud illam solam verè virtus regnat, & viderunt non semel Superiores ætates,

tes, eam ubicunque terrarum inventam  
omni alio postposito respectu, à Præde-  
cessoribus vestris fuisse coronatam.

Hiscæ exemplis & æquitatē vestrā indu-  
ctus ante Tribunal vestrum se sistit CA-  
ROLUS HYACINTHUS Lotharin-  
giæ Princeps, certus virtutem etiam ho-  
die etsi externis suffragiis nudam, hîc ta-  
men patrocínio non carituram. Non po-  
tuit diutius tot Regum & Heroum ge-  
nerosum sanguinem ad Thronum velut  
ad centrum suum tendentem intra Mace-  
doniæ suæ limites coërcere, & postquam  
modestiae suæ luculenta dedisset testimo-  
nia legibus adamussim observatis, & non  
ante Interregnum Candidatus, credidit se  
Serenissimæ Reipublicæ sibiq; defuturum,  
nisi DEUM & fortunam vocantem seque-  
retur, eidemque simul concurrentiâ suâ me-  
dium suppeditaret, tûm suspectam aliquo-  
rum despoticam dominationem, tûm offi-  
ciosam aliorum violentiam & in libertatem  
vestram sub speciosis commendationum  
nominibus conspirantem eludendi.

Latus hic se Campus offerret commen-  
dationes illas Serenissimæ Reipublicæ su-  
spectas reddendi, virtutemque in dubium  
vocandi, quæ tanto patrocínio tam stu-  
diosè emendicato, ejus se indigam esse  
tacitâ confessione concedit: sed prout  
PRINCEPS meus æquitati vestræ inju-  
rium esse credit, alienam laudem & suffra-

gia anxie nimis & operose aucupari, ita alienis defectibus rem suam promovere minus generosum, quin imo indecorum esse arbitratur, exosus semper linguas & calamos petulantiores in Regum & Principum cognatam cœlo potentiam.

Liceat ergo mihi solum pro Domo Lotharingica modestè perorare, liceat Principem CAROLUM HYACINTHUM talem qualis est, sine ulla laudum exaggeratione sistere, quod cò libentiùs facturum sum, quod sciam virtutem nunquam tantos sui amores excitare, quàm ubi nuda & alienis ornamentis spoliata conspicitur: Vestræ equitatis erit, & illius quam in omnibus retro Electionibus testati estis erga Patriam vestram charitatis, ubi præsentem illius statum cum cujuslibet Candidati persona & dotibus seriâ trutinâ composueritis, illum tandem coronâ vestrâ donare, quem eidem in pristinum splendorem, restituendæ aptissimum, & velut à Cœlo destinatum judicaveritis.

De Domo Lotharingica, ejusque antiquitate gloriosè adèò loquuntur historiæ, ut si de illa quid attigero, id facturum sim potius, quia id moris esse sciam, quàm quòd ea ignota esse possit, quæ orientem & occidentem heroicis suis facinoribus pervagata implevit meritis solis utramque domum. Jamque à mille & trecentis annis toto orbe celeberrima multis nationibus

Reges



5

Reges dedit, omnibus sæculis heroes. De Godefridis, Balduinis, Renatis, Antoniis, Mercuriis, pluribusque aliis celeberrimis Lotharingorum Principibus quis non audivit? Illustrium Ducis Mercurii facinorum debita cum gratitudine meminit adhuc Hungaria. Rebellantes hæreticos in Alsatia confinio licet multum viribus impar delevit Antonius. Burgundi cognomento Audacis, & vicinis Principibus formidabilis, insatiabilem ambitionis sitim cum ejus vita in agro Nancejano extinxit Renatus, Godefridi & Balduini nunquam obliviscetur Christianus orbis, quos vidit Jerosolima Reges, sed exemplo Salvatoris sui coronâ spineâ redimitos; vobis inclyti Proceres hoc gloriæ reservantibus satis, ut tantam & Christiano Principe dignam adeò modestiam in CAROLO HYACINTHO tot heroum digno Nepote auro coronare possitis. Hæreditarius est in hac domo Christiani nominis zelus, & contra ejusdem hostes successus, & gloriari possunt nullam se à Religione primum susceptâ novitatis labem admisisse.

Sed nec adeò novum est, ut adversarii nostri contendunt in Polonia Lotharingicum nomen: habuerant hi Serenissimi Duces multis abhinc sæculis Visigotam Slaviam Polonam, & Ludomillam Miceslai Regis vestri filiam Fridericis Primo & Secundo Lotharingorum Ducibus desponsa-

tas, renovaverunt hæc amicitiae vincula contracta, etiam cum Serenissima Anna de Domo Jagellonica affinitate; Sed hoc dictum sit potius ne planè peregrini videamur, quam quòd aliquid inde juris in purissimam vestram libertatem prætendamus.

Hac Prosapiâ oriundus comparet inter Regni Candidatos CAROLUS HYACINTHUS Lotharingiæ PRINCEPS, seu marium seu fæminarum jura spectentur, amplissimorum Ducatum Lotharingiæ & Barri indubitatus hæres, qui duo Superioribus sæculis Imperio Germanico, post Renatum autem Ducem soli Deo & Principibus suis subditi; iisdem redditus Regiis paulo inferiores subministrant. Offert obsequio Serenissimæ Reipublicæ juventutem vegetam, quæ nondum vigesimum septimum annum prætergressa, vigorem ætatis suæ ostentat, prudentiam provectionis: hanc ætatem VLADISLAUS moriens quibusdam in alio commendavit, quam si viveret, hodie in Principe Lotharingico amplecteretur.

Hanc eandem Rex Casimirus Serenissimæ Reipublicæ regendæ tacitè designavit, quando regnum pacatum, & populum ultrò ad continuandum regimen invitantem, hoc solo motivo reliquit, quòd ætas provectior, vires tanto oneri pares non suppeditaret. Regnaverat tamen viginti & amplius annis, dicique poterat tam diuturna

nā consuetudine artem regnandi sibi facilem reddidisse, & si quid vigoris annorum multitudinem decerptum fuerat; id tanto tempore parva experientia, & subditorum eidem parere a suetorum promptitudo abundē compensatura videbantur.

Instabat Pontifex, urgebant vicini Principes, ne populum sibi fidelissimum desereret, nève, hoc Caridianitatis propugnaculum vicinorum armis & ambitioni intemptivè abdicatione exponeret, perstitit tamen semper propositi tenax, crediditque omnia quæ Serenissimæ Reipublicæ, aliunde evenire possent incommoda, infra ea esse quæ à Rege sene timeri debent.

Tandem & vos Sapientissimi Proceres veniam ætati deditis, eam (nisi me omnia fallant) in aliquo Candidato nunquam admissuri, quam in Rege uncto, & vestro sufficiens abdicationis motivum approbastis, sanè seu pacem seu bellum velitis, utriusque maximum firmanientum erit ætas regnantis vegeta, & quæ metu sui vicinorum vestrorum licentiam, in perniciem vestram inhiantem, intra limites suos coërceat. Norunt enim quid possit fortissima Natio Polonica sub juvene & bellicoso Rege. Jactent ut volunt alii multorum annorum experientiam, certè ars regendi Poloniam, nonnisi in Polonia addiscitur, & toto cœlo aberrabit, qui eam Germaniæ aut Galliæ moribus conformare aggressus fuerit,

documento nobis sint vicina Regna, quàm malè Germanicis Legibus cum libertate conveniat.

Adfert è contra Lotharingus in ætate florida animum licèt fortem & audacem, non tamen senili more pertinacem, & imperiosum, non despoticæ Dominationi assuetum, sed adhuc facilem, & ut ita dicam cereum, cui formam Serenissimæ Reipublicæ suaviter regendæ amplissimam facilitè imprefferitis. Ingenium docile, & quod linguarum Latinæ, Italicæ, Gallicæ, Germanicæ, & Hispanicæ; perfectâ sibi comparatâ peritiâ certam spem præbet, Polonicæ eâdem facilitate capiendæ, cujus jam non mediocria posuit fundamenta. Adfert studia & inclinationes genio Polonico accommodatissimas, laborum tolerantiam, bello præsertim ultimo Hungarico probatam, & quotidianis, exercitiis equestribus scilicet, & aliis bellis similitudinem habentibus roboratam: non illi molle otium, & loco fixum, sed campus & arena magis placebunt, facilèque sub pelli-bus hyemem, sub tentoriis æstatem aget, ac in locis hosti propius expositis etiam Ki-iovix, vel ubi occasio belli tulerit Regiam Sedem constituet. Veniet à Serenissima Re-publica, adoptatus filius, & ab eadem accipiet familiam & uxorem, non quam illi amicorum inimicorumque vota hætenus destinarent, sed quam Respublica bono suo



9  
suo magis utilem judicaverit , cujuscunque  
gentis fuerit sen nationis. Ejusdem Serenif-  
simæ Reipublicæ ritus, amicitias, inimici-  
tias , obligationes, fœdera liberrimè ample-  
xurus , Polonorum Vestem sicut & animum  
& mores statim accepturus , nulli externo-  
rum Principum vel beneficio vel injuriâ ob-  
noxius, nulli ad ejus commendationem ob-  
tinendam , aut alia quacunque ex causa  
fœdere ligatus , nullis promissis erga quo-  
rumcunque Principum ministros ad illos  
sibi devinciendos obligatus, nullo ære a-  
lieno gravatus , nullis liberis , agnatisve,  
quos nullos habet, nisi remotiores, Sere-  
nissimæ Reipublicæ ac justitiæ distributi-  
væ gravis futurus.

Veniet oblitus sui, memor vestri eò &  
præ cæteris commendabilis , quod à nemi-  
ne commendatus totam quanta est accepti  
beneficii gratiam vobis solis acceptam re-  
feret , & in id totus incumbet, ut tam in-  
signe beneficium , quod ab omnibus acce-  
perit , quantum licebit singulis rependat.  
Nihil sub eo in Polonia nisi Polonum vi-  
debitis, abundè enim suppeditabit Lotha-  
ringia , unde domesticos suos , si quos ex  
consensu Serenissimæ Reipublicæ, extra-  
neos secum adduxerit recompenset. Ipsam  
etiam Personæ suæ custodiam non exte-  
ræ nationi , sed solùm modò generosissi-  
mæ Nobilitati Polonæ concediturum se  
promittit.

Commendant eum præsentì rerum Vestrarum statui necessariæ, & velut à cœlo de linat e corporis animique dotes. In bello fortitudo, quæ ab ipsis Christiani nominis hostibus laudem extorlit, in pace modestia, quæ ei omnium in quibus vixit aularum studia animosque conciliavit. Corporis sanitas robustissima, & in quosvis belli pacisve labores duratura. ingenii perspicacitas, quæ eos omnes, quibus familiarem se præbet in admirationem sui rapit. Animus liberalitatis amans, & Regiâ fortunâ dignus, gratitudo in amicos, humanitas in omnes. Sed supersedeo ne eam modestiæ opinionem, quam ab hoc amplissimo confesso mihi conciliare conatus sum, vel solâ enumeratione Virtutum, quæ in tanto Principe accumulatæ inveniuntur, apud eos quibus fortè nec famâ adhuc innotuit offendam. Suffecerit me sapientissimæ & fortissimæ Nationi generosum & prudentem seu Ducem, seu Regem ostendisse.

Ne tamen me nudam hîc & omni auxilio destitutam virtutem ostentare voluisse credatur, consideravit præsentem Serenissimæ Reipublicæ Statum eo quo debuit animi sensu CAROLUS HYACINTHUS Princeps, audiit murmurare exercitus ob stipendia à præteritis adhuc annis debita, vidit in tanta vicinua testis, quanta mala Poloniæ adulterina moneta causaverit, & quanto graviora successu temporis inde

emer-

emersura sint, nisi huc pesti jam nimium grauatæ tempestivo aliquo remedio obviam eatur.

Et quò Electionem suam non minus Reipublicæ utilem, quam sibi gloriosam redderet, Serenissimum Patrum Lotharingæ Ducem Domûs suæ promovendæ avidissimum in id induxit, ut solutionem impendiorum militi debitorum in se susciperet, ad quam ante coronationem deponendam (si Deo & liberis Serenissimæ Reipublicæ, suffragiis visum fuerit tantum honorem in nepotem suum conferre) sese obligabit.

Tollendæ verò monetæ cupræ ex redditibus Lotharingæ quingenta florenorum millia quotannis enumerabit usque ad plenam abolitionem quinque millionum, quos Reipublicæ permissu cusos fuisse intellexit. Et si prius decederet (quod ablit) tunc alia quingenta millia monetæ eidem corrigendæ, quolibet anno prioribus quingentis millibus superadderet Lotharingæ  
**PRINCEPS.** Quod si bellum ingruerit, peditum quatuor millia sumptibus suis in Reipublicæ, servitium per quatuor annos alenda promittit Serenissimus Patrus. Offert præterea Gymnasium Mussi Ponti erigendum, in quo centum Poloni Nobiles litteris & aliis exercitiis instruantur. Et insuper Varsaviæ pontem Vistulæ trajiciendæ intra quatuor annos construendum & absolvendum curabit; nisi pecunias huic operi ne-

ri necessarias ad redimendos à captivitate Nobiles Polonos, & ad reparandum muniendumque validissimum, non Poloniae duntaxat, sed etiam totius Christianitatis propugnaculum Camenecense convertere fuerit æquius judicatum. Ad horum securitatem, & aliorum etiam si quæ alia promitti contigerit, Ducatus Lotharingæ & Barri, & omnia Serenissimi Lotharingæ Ducis bona, seu præsentia, seu futura, ubi-vis sita. Ego ejus Plenipotentarius secundum potestatem ab eo ad hunc effectum traditam obligabo.

Hæc sunt Reverendissimi, Excellentissimi, Illustrissimi, Perillustres, Magnifici & Generosissimi, Principes, & Senatores, cæterique Serenissimæ Reipublicæ, Regni Poloniae, & Magni Ducatus Lithuaniae congregati Ordines, quæ vobis dicenda in mandatis habui. Finiam postquam uno adhuc verbo generositatem vestram in favorem Principis Lotharingæ stimulavero, Vobis ob oculos ponendo quantum debeatis illius de virtute & integritate Vestrae fiducia, cui confisus contra potentissimos Europæ Monarchas, in unius promotionem conjunctos, solus in arenam descendere non formidavit.

F I N I S.



## PROPOSITIO

*Legati Serenissimi Ducis*

## NEOBURGICI.

Serenissimæ Reipublicæ Polonicæ,  
 Magnique Ducatus Lithuanicæ  
 Proceres ac Ordines,

Reverendissimi, Excellentissimi, Illustrissi-  
 mi, Perillustres, Magnifici & Ge-  
 nerosissimi Domini,

*Flos liberrimæ Nobilitatis, Fortissimi  
 Equites.*

**L**uculentissimum ac Augu-  
 stissimum hoc Regnum  
 multa habere à DEO  
 singularia, & Coronam  
 Regiam Clarissimæ & No-  
 bilissimæ Nationis pro-  
 priis quibusdam fulgoribus coruscare, quàm  
 non pauca sint quæ demonstrant, nihil ta-  
 men æque extra omnem dubitationem col-  
 locat, quàm Comitiorum ratio, inprimis  
 autem Electio Regum, semper insignis, ge-  
 neroso libertatis usu conspicua ac admira-  
 bilis

bilis, & heroico veræ Nobilitatis actu planè incomparabilis. Quapropter hoc tempore, quo Optimus Rex, cælesti instinctu, reliquum vitæ D E O soli impendendum, & intervalli aliquid inter curas sæculi supremæque funera interponendum esse magno animo judicavit, Universi Orbis expectatio, non tam eligendi Regis merita quàm eligentium Consilium ac providentiam intuetur faustisque prosequitur ominibus. Peracturi enim estis, Sapientissimi Viri, hoc opus totæ Rei Christianæ præsidio ornamētoque futurum. Rex invenietur qui est dignissimus. Optimus existimabitur & præclarissimo huic Regno utilissimus, quem summa hujus Venerabilis Concilii prudentia ad Regium solium provexerit. Interim ad honorem Nobilissimæ gentis pertinet, quod communis famæ judicio non nisi ingentis celebritatis Principes huic fastigio idonei destinantur. Sitque & maneat suæ cuique quantacunq; esse potest laus & commendatio. Qui verò æternitati gloriæ & Imperii Vestri, simul vestræ Libertati, ipsemet quippe Libertati innutritus & assuetus & diutius studuerit, & majore semper Zelo fuerit addictus, unus est Serenissimus Princeps ac Dominus, Dominus Philippus Wilhelmus, Comes Palatinus Rheni, Baviaræ, Juliaci, Cliviæ ac Montium Dux, Dominus noster Clementissimus, qui Regiæ huic & in-

invictæ Reipublicæ immortales profitetur  
 gratias, quod dignum censuerit, quem nun-  
 ciaro per literas interregno, ad pristina pia  
 erga Serenissimam Rempublicam, Patriam  
 Vestram, etsi nunquam intermissa studia,  
 denuò amantèr invitaret. Quod igitur Se-  
 renissimus Princeps nos hûc legavit, non  
 fiducia suâ, non spei duntaxat suæ, sed am-  
 plitudinis reverentiæ & observantiæ causa  
 fecit quâ se devinctum agnoscit florentissi-  
 mæ Genti, cui maxima quæque & plurima  
 debens, cupit plura debere & majora præ-  
 stare. Tum Serenissimæ hujus Reipublicæ  
 tranquillitati ex animo gratulatur, quæ in  
 his omnium penè rerum inclinationibus at-  
 que ruinis vel supra omnium fidem tanta  
 est, ut omnino ipsa sibi sufficiat Augusta hæc  
 Respublica, nisi antiquo more, unum ca-  
 put suapte sponte mallet. Quum verò so-  
 rinsecus id adsciscere mens esse videatur, de  
 Gente circumspicietur cujus indoles com-  
 moda sit, quæ Nobilitatem & Libertatem  
 solito curatius cum propugnet suam, tum  
 ferat, ornet, augeat alienam. Quod itaque  
 Sapientissimi Poloniæ & Lithuanie Ma-  
 gnates Equitesque, unis & solis Excellentia-  
 rum & Generositatum Vestrarum auspiciis,  
 votis, suffragiis, placitisque fiat, unde hæc  
 Electio Regum unice pendet, Serenissimæ  
 Reipublicæ Amici optant atque commen-  
 dant Serenissimum nostrum Ducem Palati-

no-Neoburgicum Polonum vobis commendant, Lithuano-Polonum, non loco, sed sanguine, non nativitate, sed genere, sed origine. Non Piaſtenum, his Jagellonigenam, binarum Jagellonidum Conjugem, Filiorum quater Jagellonicorum Patrem. Ortus is est è Vetustissimâ & Nobilissimâ Domino tot Imperatorum, Regum, Electorum, Heroum Parente atque Nutrice. Cæterum ipse Jagellonis quadrinepos, Filii ejus Calimiri bis trinepotes, cum ex Barbarâ filia, tum è filio Vladislao Poloniæ Principe, Hungariæ & Bohemiæ Rege. Nihil equidem hoc omne est, si jus spectetur quod quippe nullum inde penitus est Vobis tamen sancta semper Jagellonis stirps, quin ne feminæ quidem ex illis neglectæ. Huc olim delatus Serenissimus Princeps quantopere commendatus fuerit ab Vladislao Magno, plerisque veſtrûm Excellentissimi & Generosissimi Domini constat. Nunc quod Regiâ illius Sorore primâ ipsius Uxore & liberis ex eâ caret, infelicior quidem, at nihilo tactus est indignior, cujus meminerit bonitas & benevolentia Vestrâ. Adderemus hodiernam Serenissimam Principis Conjugem, & ipsam stirpe bis vestram, nisi vobis aliqua stirpis quidem, potior virtutis ac princeps cura esset. Virtutis certò fuit, quod Serenissimus Princeps animum huc appulit, innocentissimo tamen molimine, &  
intra



intra modum. In omni hoc rerum transitu noluit intempestivè spem consumere, iusto se tempori, imò voluntati vestræ se reservavit semper iyncerè sollicitus, ut Libertati, inextimabili & communi thesauro, religiosissimè caveretur, ut omnia licitis, æquis, honestis, placidisque mediis fierent; non per improba fœdera; non per infideles Barbaros, Tartaros, Colacos, non per præcoces & malignas artes; non per cuiusdam præjudicium; non per pravarum chartarum sparfiones, idque genus meditata, qualia & audere & bonis viris imputare indecorum & nefas est. Una placidissimo Principi cura, hæc charitas, hic scopus summi Viri, vobis laborare Reique publicæ, ut vos vicissim ipsi faveatis, qui omnia utique in solidum Eminentissimæ huic Reipublicæ debet. Nullo is alio, nisi vestro, favore, nullâ affinitate, nisi vestrâ se commendat. Serenissimæ Reipublicæ amicorum commendationibus, pace vestra, utitur. Solâ Excellentiarum & Generositatum Vestrarum dignatione, indulgentia, benignitate & auctoritate nititur unicè niteturque. Satis superque sibi sufficit Polonia. Rege ei opus, non tam qui multum afferat, quam qui nihil auferat, nihil deferat pessundetve. Qui juxta cum omnibus suis solidè Catholicus sit. Qui res benè ordinet, solertè amplificet, generosè administret, fructuosè dispen-

B 3

set.

set. Qui nulla nisi Reipublicæ bella habeat. Qui pacem colat, commercia instauret & disciplinam. Qui totus vestræ spontis sit. Nemini obnoxius nisi Legibus, impermixtus rebus alienis. Qui Regnum novis periculis, privatis prætensionibus, dissidentiis, simultatibus, æmulationibus, bellis denique non implicet. Qui sustentandis per se suis par. Nemini suspectus. De suo, sicubi opus, vobis levationi futurus, sine exprobratione. Qui nunquam oneri sit. Qui cum ad seria ventum, omnibus par negotiis, ingenio, iudicio, corpore, sermone, stylo, opere. Laborum tolerans, Tractabili, composito, culto sit animo. Præclarâ morum continentiam. Nec insciens bellare, nec appetens. Maturus, consideratus, providens, affabilis. Ex usu intelligens muneris sui. Qualis an Serenissimus Princeps noster sit Vestrarum Excellentiarum & Generositatum, Sapientissimi Viri, erit judicatio. Experiundo sanè patebit, omnia junctim Principi huic in promptu fore, quæ ad propitiandum Genium generosissimæ Nationis spectant. Unde felix Germanici Polonicique nominis copula, pari communis Libertatis & publicæ securitatis ingenio auctorata, orietur, maximo hujus Regni & universæ Rei Christianæ emolumento. Jagellonis utique, Casimiri, Sigismundi, Fratris simul & Sororis proximam propaginem, Divi Sigismundi III. Generum,  
Vla-

Vladislai & Johannis Casimiri Regum as-  
finem Sororium, si Excellentiae & Generosi-  
tates Vestrae velint, en habetis, Maximi &  
Optimi Viri! Principem Germano-Polonum,  
Catholicum, justitiae, aequitatis, militiae &  
Civium bene de Patria merentium, pera-  
mantem. Nullis hostilitatibus implicitum.  
Linguarum Latinae, Italicae, Gallicae, alia-  
rumque scientem, nec Polonicae inscium.  
Cui per DEI gratiam, morborum expertus,  
compacta & profecto bene valens aetas ple-  
risque inimitabilis vigor. Cui venari, equi-  
tare, sub dio vivere, pars diatae, imò medi-  
cinae est. Cui florentes subsunt, nec exiguae  
ad Rhenum & Danubium Diriones atque  
Principatus, non unis millionibus, nec se-  
mel, sed quoties opus, intra breve tempus  
persolvendis, tum aliquot millibus bono-  
rum militum parandis alendisque pares.  
Quemadmodum multoties è terris Serenissi-  
mi Principis, fecundissimo fundo fonte-  
que, integri Exercitus conscripti, diu servati,  
& in campum educti sunt. Qui liberos nec  
plures huc adducet, nec aliis modis aut con-  
ditionibus, quam ipsi voletis. Quibus nihil  
de bonis Reipublicae Regalibus & Spiri-  
tualibus conferet, aut curabit conferri. Do-  
mi abundè illis est. A vestris nutibus pen-  
debunt, sub optimâ nunc educatione & de-  
inceps facturi ad amussim quicquid statuet  
Serenissimus Parens. Cui Leges Vestrae &

voluntates pro moderamine erunt & omnis vite regula. Qui Excellentiarum & Generositatū vestrarum sese placitis tanto magis apertus est, quanto plura maioraq; dat pignora quam optimè de Republica merendi. Juventuti Polonæ & Lithuanæ ad studiorum exercitiorumq; cultum capeſſendum Colonie Agrippinæ & Ingolſtadii sumptus ſuppeditaturus. Quā pollet peritiā, ſolertiā & dextertate effecturus, ut commercia fructuoſiſſimè poſſint effloreſcere. Improbā ac mendosam monetam ſuis impendiis fortiter proſtigaturus. Tria fortalitia, locis idoneis, Reipublicæ placituris ære ſuo conſtrueturus. Porro Sereniſſimæ Reipublicæ, ſi neceſſaria tempora id puſtulent, in ſublidium adducturus quatuor vel quinque millia peditum. Tūm ſi Reipublicæ ex pactis recens conventis ſuum non reſtituatur, Sereniſſimus Princeps officiis ſtudiisq; ſuis apud cæteros vicinos cognatos ſuos, fidelisſimè præſtabit, ut eorum opem & conjunctionem utilem Reipublicæ adverſus illum tūm hoſtem communem impetret, ſpectatū fretus, fore ut ea nullo modo deſit. Omni quoque ratione, quæ Sereniſſimæ Reipublicæ opportuna videbitur, allaborabit apud Sacram Cæſaream Maieſtatem & in Comitiiſ Imperii, ut & inde auxilia præſtò ſint, ſi à Turca periculum & bellum contra hoc Regnum moveri contingat. Idem Sereniſſimus Princeps Sereniſſimæ Reipublicæ vel  
ſan -



sanguine suo inservire cupidissimus promittum se corpus & caput suum ad omnia quæ ad præsens & impofterum Regni salus, amplitudo & gloria poscunt, offert, atq; ut Regnum oneribus levetur, ad unum integrum annum Exercitum suum impendiis alere, ejus membris benefacere, cumque iplis ipse adversus hostes Regni quoscunq; alacriter prodire, una cum iis utramq; fortunam experiri, & omnes Vires suas periclitari paratus est. Agite modo fortissima pectora, Libertate vestrà & prudentiâ, candore, jure statuque vestro freti, spe, ambitu, æmulatu omnes unanimiter absolcite. Princeps noster est Ducatum suorum possessor quietus, amantissimus suis, DE I metuens, observans legum, veteris moris retinens, fidei servans, amans sanè libertatis & militis, Nobilitatis & Equestris Ordinis longè amantissimus, Senatorii perquàm reverens. Germanus, imò Polonus est. Multis nominibus vester est. Addite modo, quod plenissimo jure libertatis potestis, ut quod nos petimus, optamus atque vovemus. In quo auspicato omine conquiescimus, & DEUM precamur, DEUM fortem, DEUM consilii, ut eam Excellentiis & Generositatibus vestris mentem indat, unde, cum perenni fructu ac triumphali totius Imperii Sarmatici gloriâ, voti damnemur singuli, exitu lætemur universi.

## JUSTÆ QUERELÆ

Et

## LACHRYMÆ

*Evangelicorum Augustanæ & Reformatæ confessionis in Regno Polonia & Magno Ducatu Lithvania circa novi Regis coronationem Anno 1669. veteres & novas injurias desolentium easque orbi Christiano, cum primis Evangelicis Principibus & statibus proponentium.*

**D**Olendum profectò est ex animo, quod cum Patres nostri nosque ipsi hac felicitate gavili fuimus, ut cum per injustam arrogantiam Dominorum Spiritualium Ecclesiæ Romanæ, vel per decreta Tribunalitia, vel per injurias ab aliis Judiciis & Officiis illas graviter premeremur, in Electione novi Regis, Solatii loco, leges aliquas vel cautiones novas à Rege & Republica obtineremus: nunc pessum raente Republica omnia  
votis

votis & æquitati contraria eveniant. Non  
 satis antehac consideravimus quid post se  
 Arrianorum à beneficiis Reipublicæ pri-  
 mum, tandem & è Republicâ exclusio tra-  
 heret mali. Nunc iisdem prorsus machinis  
 nos Evangelicos tam Augustanæ quàm Re-  
 formatæ Confessionis à communibus ad-  
 versariis appeti, iisdem artibus subverti, per  
 quas Arriani everti sunt, animadvertimus,  
 agnoscimus, querulamur, nobisq; vim maxi-  
 mam & injuriam gravissimam in libera Re-  
 publica in qua omnes pares nati sumus, fie-  
 ri, coram Deo & Orbe universo protesta-  
 mur. Nam ut antiquiora taceam & sola nu-  
 perrima ac præsentia in medium proferam,  
 exclusi fuerant primùm Arriani non tan-  
 tùm à dignitatibus Senatoriis, sed & ab Of-  
 ficiis Terrestribus, ita ut nec in Judices ad  
 Tribunalia Regni, nec in Nuncios Terre-  
 stres, more Majorum, eligi potuerint; exclu-  
 dimur & nos jam pariter. Dum laudabilia  
 majorum vestigia sequentes benèque de Re-  
 publica mereri cupientes, vel etiam benè  
 de eadem meriti Beneficia ejus, & vel Offi-  
 cia nostris sumptibus obeunda, quæ aliis  
 oneri sibi potius quàm honori duceret, ho-  
 nestis modis, ut ingenuos decet, appetimus,  
 ubique nobis magna impedimenta Domini  
 Spirituales aliique serviliter eis addicti obji-  
 ciunt. Quàm rari pro! dolor! jam in Tri-  
 bunalibus & Comitibus, quæ Majores & pa-

rentes nostri frequentarunt, rexerunt, sustentarunt, comparemus. Comparemus quidem sæpè, sed citati, mulctati, damnati, infamia notati, & quod majus est, vel levibus de causis vel ob conficta & nobis afficta crimina. Quid non in nuperrimis Comitibus novæ Electionis objecerunt nobis per summam iniquitatem Domini Lithvani? Nempe nos esse ab omnibus dignitatibus & officiis Reipublicæ excludendos: non esse nos reliquis civibus pares. Summa profecto hæc est non tantum iniquitas, sed & ingratitude. Majores enim nostri illorum majores communibus secum Insignibus Gentilitiis, cum Lithvaniæ cum Regno unio fieret, uti voluerunt, & velut alienos surculos stirpibus suis avitis inseruerunt. Hancine nobis eorum posteris rependunt gratiam, ut nos æquali secum jure gaudere, æquali libertate frui & eodem loco censerì nolint? Quæ prohi Deum! ista temeritas est, ne quid gravius dicam? Ubi est Fides? ubi pietas? ubi æquitas? Ubi juris cura? ubi honesti respectus? Objiciunt leges aliquas à Jagellone, Sigismundo I. & II. latas, quibus efficere volunt, ut tanquam hæretici tractemur & ab honoribus arceamur. Novimus, novimus mentem eorum, & ex Arrianis mensuram capimus, eos scilicet id intendere, ut nos pariter à dignitatibus primum & officiis Reipublicæ, postea à libertate, tandem & ex ipsa

ipsa Republica excludamur. Meminimus  
 probè quid ante triginta annos in negotio  
 Racoviano, & dehinc in summum non tan-  
 tum Dissidentium ab Ecclesia Romana, sed  
 & communis libertatis præjudicium factum  
 sit. Introductum tunc est in Arrianis sum-  
 mum jus & summarius processus, conniven-  
 tibus nostratibus, ac dicente D. Petro Ko-  
 chlevio, Judice & Nuncio Terreſtri Palati-  
 natûs Breſtenſis in Lithvaniâ, Viro alio-  
 quin in Republica clarissimo, *Fiat pro hac*  
*vice* quibusdam & propter id gaudentibus,  
 quorum tamen inconsultam malevolentiam  
 Illustrissimus & Celsissimus Princeps Chri-  
 stophorus Radzivilius magnus ut in toga  
 Senator, ita & in ſago Dux belli communi  
 libertati imminens periculum prævidens ar-  
 guit. Nempe enim malum illud exemplum  
 longius progressum, ad ipsos quoque Pon-  
 tificios & Viros quidem in Republica Illu-  
 strissimos, Dominum Hieronymum Radzie-  
 jovium Vice-Cancellarium Regni & Domi-  
 num Georgium Lubomirium Regni Ma-  
 reschalcum & Ductorem campeſtre, per-  
 venit. Sed & nos, paulò post illud Racovia-  
 num negotium, Vilnæ pariter enormi in-  
 juriâ affecti, ac toties dehinc quæſitis præ-  
 textibus afflicti fuimus. Itaque cum tot ſo-  
 ciorum & nostris propriis exemplis, quid  
 moliantur ac tentent Pontificii, nempe ut &  
 nobis communem libertatem adimant, nos-  
 que



que tandem patriâ ejiciant (cujus rei infigne documentum in universo Mazoviæ Ducatu omnibus nostratibus ignominiose & inhumaniter ejectis dederunt) edoctilimus, omnino par, inò necessum est, ut de conservanda avita libertate plurimum laboremus, & in ejus tutelam toto pectore incumbamus. Oportet itaque nos dispicere, quæ erere & amplecti omnia media legitima & ad hanc rem adeò justam consequendam idonea. Foris illa non quærimus, nisi ut per intercessionem & auctoritatem Principum & Statuum Evangelicorum Augustanæ & Reformatæ confessionis, qui in Europa sunt, justissimis querelis de intolerandâ prævalentium auctoritate & potentiâ popularium, de iniqua ac legibus adversâ conscientiarum tyrannide, in finem eorum depositis, avita libertas nobis restituatur & in posterum inviolata conservetur. Cujus quidem voti & postulati ac conatus nostri gravissimas habemus rationes, quas hîc breviter & distinctè exponemus, ut quid domi quæramus, palam fiat:

I. Ut satisfiat fidei publicæ & perennaturæ. Majores enim nostri, non hi vel illi, sed omnes in genere considerati, ut de religione à se mutuò dissidentes, ita mutuò pacem inter se perpetuis temporibus conservandam sub vinculo juramenti, sub fide, honore & conscientiis, pro se & posteritate

ritate spondentes, tempore legitimo, scilicet in interregno, post mortem Sigisimundi Augusti, cum Respublica planè sui esset juris, & omnis hæreditariæ successionis expers, loco legitimo, nempe in Conitiis Convocationis Varsoviensibus, modo insuper legitimo, sine ulla vi vel fraude, minis vel artibus ullis, sed libero ac unanimi consensu accedente, nemine etiam tunc contradicente, imò Francisco Crassinio Episcopo Cracoviensi illi confæderationi Regni generali subscribente: denique ob causas legitimas, videlicet ut in Republica libera & æquali statu nobilitatis conscientiæ essent liberæ, nec perniciosa bella, ut in aliis tunc regnis (quam rationem ipsi Majores nostri allegarunt) in Republica excitarentur, omni meliori modo sanxerunt, confirmarunt, communiverunt.

II. Ut satisfiat avitæ & publicæ legi, quam & validissima longissimi temporis præscriptio tuetur. Jam enim integrum decurrit seculum, ex quo illa confæderatio Regni generalis est inita, quæ & lex perpetua ac irrevocabilis toties in Codice nostro vocatur, & unà cum aliis legibus Regni omnibus Solemni juramento circa Electionis & Coronationis actus confirmanda ab Ordinibus Regni sub nullitate electionis proposita, & diplomatibus illorum confirmata, ab ipsis quoque Episcopis Petro Mys-

zcovio

zcovio & Petro Gembicio Cracovienſibus, tum à Laurentio Goſſicio Camenecenſi approbata eſt. Nam quod ad exceptiones & proteſtationes Cleri Romani & incolarum Mazoviæ attinet, Hæ primùm extra Comititia Anno 1573. adeoque poſt legem illam Reipublicæ ſalutarem libere & ob cauſas maximæ momenti ac ritè conditam, imò & in privato conventu, publicè verò demùm in Electione Sigismundi Terrij Anno 1587. à quatuor Episcopis & Palatino Mazoviæ, factæ, & tunc quidem in Comitij Electionis illius admiffæ fuere; Interim prior his eſt lex publicè recepta & ab Anno 1573. in executionem publicam ( : alioqui libertas religionis noſtræ, imò & Arrianorum, publica etiam in urbibus Regalibus ab Anno 1550. capta viguit & floruit : ) deducta, illamque libertatem, quæ antea ſolâ Ordinis Equęſtris prærogativâ & uſu nitebatur, publicâ, & Comitiali quidem, authoritate ac conſenſu ordinum Regni muniens; Illiſque proteſtationibus live exceptionibus oppoſitæ ſunt publicæ & Codici legum insertæ Diſſidentium ab Eccleſia Romana reproteltationes ac manifeſtationes, ut ita ſalva forent & Eccleſiæ Romanæ & noſtrum omnium ab ea diſſidentium jura, communipace & libertate inter utramque partem, ut lex loquitur, ſancitâ, & perpetuò Sacroſancitâ manſurâ.

III. Ut satisfiat pristinae existimationi & felicitati Reipublicae Tandem enim haec utraque, quamdiu & libertas illa aequa floruit, Dissidentibus ab Ecclesia Romana omnibus ad praecipuas quoque dignitates & officia Regni Magnique Ducatus Lithuaniae admisis. Docent id extrema Augusti tempora: docet integrum regimen Stephani, & initia Sigismundi 3. ac Vladislai 4. quae florente illa libertate laeta & gloriosa extiterunt, idem docent.

IV. Ut satisfiat Cosacorum & omnium Graecae Ecclesiae addictorum expectationi. Non enim possunt isti meliora & certiora fidei sibi a Republica servandae & libertatis suae parti conservandae habere experimenta, documenta & authoramenta, quam si omnibus ab Ecclesia Romana dissidentibus avitarum prosapiarum nobilibus fides & libertas postliminio revocata majorum more servetur.

V. Ut satisfiat communi libertati in Republica statui & ipsorum Pontificiorum expectationi. Nam quae adversus Arrianos reasumptae sunt, & jam adversum nos reasumuntur leges Jagelloniae adversus haereticos & eorum fautores latae, libertatem communem prorsus evertunt, maximam inaequalitatem, imò abominandam servitutem & tyrannidem Inquisitionis Hispanicae ac triste illud Magistrorum pravitatis haereticæ

ticæ ad hoc à sede Apostolica deputatorum vel deputandorum jugum, apertè introducunt, ac illud privilegium magnum nobilitati ab ipso Jagellone postea concessum de non captivando Nobili nili jure prius vincatur, omninò tollunt, cum & extra magistratus viventibus, imo & plebeis potestatem dent hæreticos ac vel de hæresi suspectos & eorum fautores captivandi & pœnis civilibus subjiciendi : quod per posteriores Jagellonis & aliorum Regum nostrorum leges nec ipsi Regi facere licet. Quamobrem &

V I. Ut ipsius Divi Jagellonis, cujus posteriora statuta ligant ( præsertim cum illæ leges & ab ipso Jagellone, & à filiis ejus Vladislao & Calimiro & ab Ordinibus Regni in Conventu Sendomiriæ habito per consilia & fœdera cum Bohemis, contra quos nominatim erant latæ, sint abrogatæ & nunquam executioni mandatæ ) Manibus satisfiat :

V I I. Ut satisfiat votis novi Regis, qui fidem avitam servare & cives æquo jure retinere, atque hac ratione Cofacos ad obedientiam revocare, Ucrainam Reipublicæ sibi verò amplissima bona hæreditaria à Cofacis plusquam 20. Annis possessa recuperare vellet.

V I I I. Ut satisfiat vicinitati, amicitia & expectationi omnium Principum & statu  
tuum



tuum Evangelicorum, cum primis nuperis tractatibus Olivæ cum Corona Suecica initis, quibus cautum est, ut omnes ab Ecclesia Romana dissidentes pace & libertate secundum leges Regni, illas scilicet Anni 1573. & alias similes, non utique secundum leges durante bello Suecico Anuo 1658. latis, dictis dissidentibus perniciosas (quis enim sanus hoc vel de Suecis dixerit, vel naturæ amnestiæ convenire crediderit? Ideo illi omnem à se suspicionem adjuncta declaratione statim amoliti sunt) fruantur, neve aliqua novi belli occasio inde enascatur.

I X. Ut satisfiat paci & tranquillitati ac votis & necessitatibus, præsertim post dedicatam Turcis Candiam, orbis Christiani gravi periculo laborantis. Nam illa conscientiarum tyrannis provocavit rebellionem Cosacorum, hosque desperatâ veniâ & fide libertatis ad recipiendam Turcicam protectionem, magno cum Christianitatis periculo coëgit, reversuros ad officium, si libertas redderetur. Vel hæc pauca ad tuendam omnium nostrum ab Ecclesia Romana dissidentium causam sufficient apud eos, qui avitæ fidei, legis, probitatis & justæ ac communis libertatis ac publicæ salutis & quietis amantes & vel aliquo saltem modo observantes fuerint. Sed nisi in executionem lex illa Confederationis Regni, quæ  
omnia

omnia Jagellonis, Sigisimundi I. & II. statuta, decreta & processus libertati religionis & pacis mutuo sancitæ contrarios in universum abrogat, deducatur, summa iniquitas in Rempublicam antea libertate equa florentissimam introducta retinetur, & actum est de nobis omnibus ab Ecclesia Romana dissidentibus, quod in Arrianis clarè videmus, post quos nisi ex patria (quod merito sanè veremur, imò nobis imminere prævidemus) ejiceremur, certò certius in ea inglorii viveremus, omni jure æqualis libertatis, imò & nobilitatis ac securitatis exuti precariam animam traheremus & à discretione juratorum ac capitalium hostium nostrorum dependeremus. Tales enim sunt judicandi qui nos ut hæreticos infamant & tractant, qui nobis libertatem sacrae copulae matrimonialis, baptismi, sepulture & omnium sacrorum adimunt, qui nos æquali dignitatum & officiorum ipsiusque avitæ nobilitatis jure privare, nolq; ex patria pellere, quantum in illis est, allaborant, id omnibus artibus, etiam calumniarum, criminationum, injustitiæ ac perjurii perfidiæque, & modis illicitis promovent, nec quidquam quod ad nos contumeliis, blasphemis & omnis generis injuriis afficiendos faciat, unquam intermittunt, imò ejusmodi falsos prætextus sollicitè quærunt & avidè arripiunt, in eoque toti sunt ut nos

eodē modo quo Arianos opprimant. Quid  
 nempe aliud exspectandum ab illis est, qui  
 nos nec pro Nobilibus, imò, ne quid præ-  
 fractæ iniquitati & malitiæ deit, nec pro  
 legitimis parentum liberis ac honesto loco  
 natis habent ( : nota sunt in vulgus scripta  
 quæ publicè prostant ejusmodi convitia in  
 nos velut è plaustro fundentia : ) ideoque  
 & omne magistratūs jus & avitam generis  
 prærogativam, quam à majoribus ante plu-  
 ra secula accepimus, illi etiam quibus ista  
 natalium jure non obtigit, sed quos cæca  
 fortuna ad nobilitatem & dignitates Eccle-  
 siasticas extulit, ereptum eunt? Vix duo  
 menses elapsi sunt, ex quo Dominus Epif-  
 copus Samogitiæ (cujus Illustrissimæ fa-  
 milie, quæ Patziorum est, nil hic detraho,  
 sed de sola iniquitate queror) excommu-  
 nicationem, licet ordinem equestrem ab  
 omni jurisdictione Dominorum Ecclesiasti-  
 corum leges in Comitibus 1562. & 1565.  
 quamvis ante legibus publicis stabilitam  
 religionis libertatem latæ exemerint, adver-  
 sus nonnullos Evangelicorum in Samogitia  
 possessionibus terrestribus gaudentium,  
 publicavit. In qua apertè Confœderatio-  
 nem Regni impugnat, nos ut hæreticos  
 damnat & decretis Concilii Constantien-  
 sis, inter quæ illud, hæreticis non esse feri-  
 vandam fidem, omni juri & honestati con-  
 trarium, subicere conatur. Hinc nos  
 omnes

omnes exilio & exitio destinatos esse quis clarè videt. Ac proinde Novi antiqui veri natalium & sortis jure Quirites quiritamur, querulamur, lachrymis uberibus calamitates & injurias, quas patimur, deflemus omnes Christianos, omnes justitiæ, æquitatis, libertatis, honestatis, boni publici amantes, præcipuè Principes & Status Evangelicos officiosè oramus, obsecramus, ut sua intercessione, votis, studiis nos juvent, sed cum primis popularium corda, communium Majorum fidem, legem publicam, fas & æquum, honestum & utile Reipublicæ commune jus, communem sanguinem, communem patriam, appellando tandem Deum hominumque fidem implo-  
rando, ad postliminio revocandam & perpetuò conservandam libertatem flectere conamur, ipsa Acheronta, si ibi honestati locus esset, ardenti prece & tristi miseratione moturi, vitam, sanguinem, pignora, fortunas & quicquid charum in rebus humanis habetur, ulibus carissimæ patriæ devotentes.

## DECLARATIO

Illustrissimorum & Excellentissimo-  
Dominorum Sacrae Regiae Majesta-  
tis & inclytæ Coronæ Sueciæ ad  
tractatus Pacis Prussiæ Legato-  
rum Plenipotentiariorum,

*Pro Pace & libertate omnium ab Ecclesia Ca-  
tholico-Romana de Religione in Polonia  
Dissidentium in puncto amnestiæ secundum  
avitas leges Regni cautâ: ex ipso Originali  
publici juris facta Anno M. DC. LX.*

*Sacrae Regiæ Majestatis Regniq[ue] Sueciæ ad  
Pacificationem in Borussia legati com-  
missarii Plenipotentarii.*

**N**Otum, testatumque facimus, quod li-  
cet à Religione Romano-Catholica in  
Regno Poloniæ Magnoque Ducatu Lithva-  
niæ dissidentes, in moderno Instrumento  
Pacis Sueco-Poloniæ, articulo de amnestia  
secundo, per expressum non sint nominati,  
dicta tamen amnestia, tam Generalis quàm  
specialis, etiam illos concernat, eâq[ue] ipsi totâ  
frui debeant. Neque enim Legationi Suedi-  
cæ mens fuit, ullas leges antiquas & anti-  
quatas contra hæreticos sic dictos sancitas,  
vel etiam novas durante hoc bello (quo me-  
ritò præsumi debet ac potest, nihil esse in-  
novandum) latas hoc tractatu confirmandi,  
sed potius, ut hac Pacificatione cuncta in  
cum



cum flatum, qui ante hoc bellum fuit, redi-  
cantur, nec cuiquam, quod partes Sacrae  
Regiae Majestatis Sueciae secutus fuerit, in  
quocunque praetextu noxae & fraudi sit  
efficiendi. Ac proinde declaramus ac te-  
stamur, verba in paragr. 2. praefati articuli:  
*Secundum leges Regni*: ex parte nostra non  
aliam vel antehac admisisse, vel etiam nunc  
admittere interpretationem posse, quam ut  
unusquisque sine exceptione, & cujuscun-  
que Status, conditionis ac Religionis sit,  
gaudere debeat juribus, privilegiis & con-  
suetudinibus, tam in Ecclesiasticis, quam  
profanis, secundum leges Regni, sicut ante  
hoc bellum observatum fuit. In cujus rei  
fidem praesens Attestatum manibus nostris  
subscriptimus & Sigillo Legationis Majori  
roborari fecimus. Sobothi die 31. & 21.  
Maii Anno 1660.

*Magnus Gabriel de la Gardie.*

1. *Benedictus Oxenstierna A. Gyldenclau.*

2. *Christoph. Carolus Schlippenbach.*


L. S.

GODOFREDUS von SCHRÖER.


*Legationis Secretarius.*

F I N I S.





Biblioteka Jagiellońska



stdr0010203

